



1913-yil aprel oyidan chiqa boshlagan

Fidoyilik —
Vatanga xizmat demak!

2025-yil 7-yanvar, seshanba,
2 (24.028)-son

O'zbek xalq
maqoli

Ish
g'ayratidan
qo'rqar

Zarafshon

www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

O'zbekiston Respublikasi Prezidentining QARORI

TURKISTON JADIDLIK HARAKATINING ASOSCHISI, ATOQLI ADIB VA JAMOAT ARBOBI, NOSHIR VA PEDAGOG MAHMUDXO'JA BEHBUDIY TAVALLUDINING 150 YILLIGINI KENG NISHONLASH TO'G'RSIDA

Vatanimiz tarixida g'oyat murakkab va sinovli davr bo'lgan XX asr boshida maydonga chiqqan Mahmudxo'ja Behbudiy Turkiston jadidlik harakatining asoschisi hisoblanadi. U milliy ozodlik harakatining buyuk namoyandasi sifatida ilm-fan, ta'lim va tarbiya, adabiyot va san'at, matbuot sohalarini rivojlantirish, jahondagi ilg'or taraqqiyot yutuqlarini o'zlashtirish orqali xalqimizning ongu tafakkurini yuksaltirish hamda hurriyatga erishish yo'lida o'z hayotini baxsh etgan fidoyi zotdir.

Mahmudxo'ja Behbudiy chor hukumati va mahalliy mutaassib kuchlarning mislsiz qarshiligiga qaramasdan, yurtimizda birinchi qatorida ilk zamonaviy maktablar tashkil qilish, ularga uchun zarur darsliklar yaratish, nashriyot va teatrlar barpo etish ishlariga bosh-qosh bo'ldi. Mohir publitsist sifatida o'z davrining dolzarb muammolariga bag'ishlangan qator salmoqli asarlar va ikki yuzdan ortiq maqolalar yaratdi. Shu bilan birga, "Samarqand" gazetasi hamda "Oyina" jurnaliga asos soldi. 1914-yilda "Turon" teatrida sahnalashtirilgan "Padarkush" pyesasi orqali o'lkamizda teatr san'atining tamal toshini qo'ydi. Afsuski, atoqli adib va jamoat arbobi bo'lgan bu mutafakkir zot 44 yoshida yovuz kuchlar qurboni bo'ldi.

Mustaqillik davrida Mahmudxo'ja Behbudiy xotirasini abadiylashtirish, hayoti va faoliyatini chuqur tadqiq qilish, ilmiy va badiiy asarlarini keng ommalashtirishga alohida e'tibor qaratilmoqda.

Ayniqsa, keyingi yillarda Toshkent shahridagi Adilbar xiyobonida uning muazzam haykali o'rnatilgani, Samarqand shahrida uy-muzeyi tashkil qilingani mamlakatimiz hayotida katta voqea sifatida e'tirof etildi. Iste'dodli dramaturglar uchun Mahmudxo'ja Behbudiy nomidagi mukofot ta'sis qilingani shu yo'ldagi yangi amaliy qadam bo'ldi.

Mahmudxo'ja Behbudiy asarlarining yosh avlodimiz intellektual va ma'naviy salohiyatini oshirish, shu asosda ularni Yangi O'zbekiston bunyodkorlari, chinakam vatanparvar insonlar etib tarbiyalash borasidagi o'rni va ahamiyatini inobatga olib hamda uning bebaho merosini yanada kengroq o'rganish va targ'ib etish maqsadida:

1. Madaniyat vazirligi, Oliy ta'lim, fan va innovatsiyalar vazirligi, Maktabgacha va maktab ta'limi vazirligi, Yuvchilar uyushmasi, Fanlar akademiyasi, Respublika Ma'naviyat va ma'rifat markazi, Yoshlar ishlari agentligi hamda jamoatchilik vakillarining 2025-yilda Turkiston jadidlik harakatining asoschisi, atoqli adib va jamoat arbobi, noshir va pedagog Mahmudxo'ja Behbudiy tavalludining 150 yilligini keng nishonlash to'g'risidagi takliflari ma'qullansin.

2. Mahmudxo'ja Behbudiy tavalludining 150 yilligini nishonlash bo'yicha tashkiliy qo'mita (keyingi o'rinlarda – Tashkiliy qo'mita) ilovaga muvofiq tarkibida tuzilsin.

3. Tashkiliy qo'mita (A. Aripov) ikki hafta muddatda Mahmudxo'ja Behbudiy tavalludining 150 yilligini nishonlash bo'yicha amalga oshiriladigan chora-tadbirlar dasturini tasdiqlas.

Ushbu dasturda quyidagi masalalarga alohida e'tibor qaratilsin:

mutafakkir adibning "Tanlangan asarlar" to'plami, uning hayoti va faoliyatiga bag'ishlangan ilmiy-ommabop kitoblarni nashrga tayyorlash va chop etish;

Mahmudxo'ja Behbudiy haqida spektakllar sahnalashtirish hamda bugungi kunga qadar yaratilgan "Mahmudxo'ja

Behbudiy" kinoseriali va "Xalq yuragi" badiiy-publitsistik filmlarining ommaviy namoyishlarini tashkil qilish;

Badiiy akademiyaning Markaziy ko'rgazmalar zalida Mahmudxo'ja Behbudiy hayoti va ijodi, shuningdek, Turkiston jadidlik harakati namoyandalarning faoliyatiga oid tasviriy san'at asarlari ko'rgazmasini uyushtirish;

umumiy o'rta ta'lim muassasalari, ijod maktablari o'quvchilari, "Temurbeklar maktablari" kursantlari hamda oliy ta'lim muassasalari talabalarini o'rtasida "Mahmudxo'ja Behbudiy saboqlari" mavzusida insholar tanlovini o'tkazish va g'oliblarni munosib taqdirlash;

barcha bo'g'indagi ta'lim muassasalari, kutubxonalar, mehnat jamoalari, mahallalar va harbiy qismlarda taniqli olimlar va adiblar ishtirokida Mahmudxo'ja Behbudiy hayoti va ijodiga bag'ishlangan ijodiy uchrashuvlar, adabiyot va kitobxonlik kechalarini tashkil qilish;

zamonaviy raqamli va targ'ibot texnologiyalari asosida Mahmudxo'ja Behbudiy asarlarini yoshlar o'rtasida keng ommalashtirish;

2025-yil oktyabr oyida Sharof Rashidov nomidagi Samarqand davlat universitetida "Mahmudxo'ja Behbudiy merosi va jadidlik harakatini o'rganishning dolzarb masalalari" mavzusida xalqaro ilmiy-amaliy konferensiya tashkil qilish;

2025-yil noyabr oyida Alisher Navoiy nomidagi O'zbekiston davlat akademik katta teatrida Mahmudxo'ja Behbudiy tavalludining 150 yilligiga bag'ishlangan tantanali adabiy-ma'rifiy xotira kechasini o'tkazish;

Samarqand shahridagi Mahmudxo'ja Behbudiy uy-muzeyi hududini obodonlashtirish hamda muzey ekspozitsiyasini boyitish;

Qarshi shahridagi ko'chalardan biriga Mahmudxo'ja Behbudiy nomini berish hamda unga bag'ishlangan yodgorlik lavhasini o'rnatish;

Internet va ijtimoiy tarmoqlar uchun mo'ljallangan audiovizual asarlar yaratish, shuningdek, ommaviy axborot vositalarida turkum materiallarni e'lon qilish.

Tashkiliy qo'mitaga Mahmudxo'ja Behbudiy tavalludining 150 yilligini nishonlash doirasida o'tkaziladigan tadbirlarni yuk-sak saviyada uyushtirish, mazkur qarorga asosan belgilangan chora-tadbirlarning o'z vaqtida, sifatli va to'liq amalga oshirilishini muvofiqlashtirib borish vazifalari yuklatilsin.

4. O'zbekiston Milliy axborot agentligi, O'zbekiston Milliy teleradiokompaniyasi, Axborot va ommaviy kommunikatsiyalar agentligi, O'zbekiston Jurnalistlar uyushmasi, O'zbekiston Milliy media birlashmasi va boshqa ommaviy axborot vositalariga Mahmudxo'ja Behbudiy tavalludining 150 yilligini nishonlash bilan bog'liq tadbirlarni keng yoritish tavsiya etilsin.

5. Belgilansinki, mazkur qarorda nazarda tutilgan chora-tadbirlarni amalga oshirish bilan bog'liq xarajatlar tashkilotchilarga Davlat budjetidan ajratilgan mablag'lar doirasida, ularning budjetdan tashqari mablag'lari hamda qonunchilik hujjatlari bilan taqiqlanmagan boshqa manbalar hisobidan moliyalashtiriladi.

6. Mazkur qarorning ijrosini nazorat qilish O'zbekiston Respublikasi Bosh vaziri A.N. Aripov hamda O'zbekiston Respublikasi Prezidenti Administratsiyasi Ijtimoiy rivojlanish departamenti rahbari O.Q.Abduraxmanov zimmasiga yuklansin.



Markaziy harbiy okrugda O'zbekiston Respublikasi Qurolli Kuchlari tashkil etilganligining 33 yilligi hamda vatanparvarlik oyligi doirasida "Yangi O'zbekiston armiyasi - mamlakat tayanchi, xalqimiz faxri!" shiori ostida ma'naviy-ma'rifiy tadbir bo'lib o'tdi.

Unda Mudofaa vazirligi huzuridagi jamoatchilik kengashi raisi, O'zbekiston xalq shoiri Iqbol Mirzaaliyev, kengashning viloyat bo'limi rahbar va a'zolari, harbiylar ishtirok etdi.

Tadbir mehmonlarning Markaziy harbiy okrug qo'shinlariga qarashli harbiy qismda serjant va harbiy xizmatchilar uchun yaratilgan sharoitlar bilan tani-shuvidan boshlandi. Harbiy xizmatchilar uchun 7/24 tartibida ishlovchi kutubxona va "O'q o'tish markazi" ishtirokchilarda katta qiziqish uyg'otdi. Shuningdek, okrugning o'quv binosida tashkil etilgan

JADIDLLAR FAOLIYATI ARMIYADA HAM O'RGANILADI

milliy tariximiz, sohibqiron Amir Temur va jadidlik harakati namoyandalari hayoti, ijodi va siyosiy faoliyatiga bag'ishlangan ko'rgazmali zallar yoshlarda harbiy vatanparvarlik, milliy g'urur tuyg'ularini uyg'otish, ularning shijoatini oshirishda muhim ahamiyat kasb etishi ta'kidlandi.

Bugun tariximiz, boy ma'naviy merosimizni o'rganishda XX asr boshlarida jadid bobolarimizning xalqimizni ilm-ma'rifatga chorlab, yurtimiz ozodligi uchun kurashish borasidagi harakatlarini tadqiq etish muhim ahamiyatga ega, – deydi Mudofaa vazirligi huzuridagi jamoatchilik kengashi raisi Iqbol Mirzaaliyev. – Shu bois harbiy ta'lim muassasalarida, harbiy qismlarda jadidlar hayoti, faoliyati-

ga bag'ishlangan burchaklar tashkil etilmoqda, ularning g'oya va qarashlari o'rganilmoqda. Jadidlar o'z davrida yoshlarimiz zamonaviy ilmlarni puxta egallab, ulug' ajdodlarimizga munosib vorislar bo'lishini, yurtimiz ozodligi uchun kurashishni orzu qilgan, shu orzu-maqсад uchun hayotini tikkan.

Markaziy harbiy okrug faollar zalida o'tkazilgan uchrashuvda askarlar, ofitser va serjantlar jam bo'ldi. Unda harbiy xizmatning mas'uliyati, sohada olib borilayotgan islohotlar, milliy armiyamizning kuch-qudrati va salohiyati xususida so'z yuritildi. Jadid bobolarimizning qimmatli o'g'irlari yodga olinib, mushoira o'tkazildi. Oybarchin SA'DULLAYEVA.

Minnatdorlik

Behbudiy g'oyalari bugun ham dolzarb

"Turkiston jadidlik harakatining asoschisi", "milliy ozodlik harakatining buyuk namoyandasi", "ilm-fan, ta'lim va tarbiya, adabiyot va san'at, matbuot sohalarini rivojlantirish, xalqimizning ongu tafakkurini yuksaltirish hamda hurriyatga erishish yo'lida o'z hayotini baxsh etgan fidoyi zot"...

Bu ta'rifu tavsiflar davlatimiz rahbarining 2024-yil 27-dekabr kuni imzolangan "Turkiston jadidlik harakatining asoschisi, atoqli adib va jamoat arbobi, noshir va pedagog Mahmudxo'ja Behbudiy tavalludining 150 yilligini keng nishonlash to'g'risida"gi qarorida keltirildi va biz Behbudiy avlodlari qalbinu faxr, iftixorga to'ldirdi.

Avvalo, keyingi yillarda Prezidentimiz Shavkat Mirziyoyevning buyuk jadid bobolarimiz, xususan, Mahmudxo'ja Behbudiy hayoti va ilmiy, ijodiy faoliyatini o'rganish, keng targ'ib etishga alohida e'tibor qaratayotganini qayd etishni istardim. Bu Vatanimiz ozodligi, xalqimiz ma'rifati uchun jon fido qilgan ulug' ajdodlarimiz ruhini shod etish, ular nomini ulug'lash va o'sib kelayotgan yosh avlodning intellektual va ma'naviy salohiyatini oshirishga xizmat qilishi shubhasiz.

Toshkent shahridagi Adilbar xiyobonida bobomiz haykali o'rnatilgani, Samarqand shahrida uy-muzeyi tashkil qilingani, iste'dodli dramaturglar uchun Mahmudxo'ja Behbudiy nomidagi mukofot, talabalar uchun stipendiya ta'sis qilingani, badiiy film yaratilgani ulug' jadid ma'naviy merosini o'rganish borasidagi juda katta xayrli ishlar desak, mubolag'a bo'lmaydi.

2020-yilda Prezidentimiz farmoni bilan Mahmudxo'ja Behbudiy "Buyuk xizmatlari uchun" ordeni bilan taqdirlandi va mukofot Behbudiy avlodlariga topshirildi. Kamina Shavkat Mirziyoyev qo'lidan ushbu mukofotni qabul qilib olar ekanman, u kishiga butun oilamiz nomidan minnatdorlik bildirdim.

Oradan besh yil o'tib, ma'rifatparvar bobomiz tavalludining 150 yilligini keng nishonlash bo'yicha qaror qabul qilindi. Biz buning uchun hurmatli Prezidentimizga chin qalbibizdan minnatdorlik bildiramiz. Shu bilan birga, yubiley tadbirlarining yuqori saviyada o'tishi uchun, bobomiz haqidagi ma'lumotlarni jamlash, uy-muzey ekspozitsiyasini boyitish uchun albatta, o'z hissamizni qo'shamiz.

Qarorda Mahmudxo'ja Behbudiy "Tanlangan asarlar" to'plami, uning hayoti va faoliyatiga bag'ishlangan ilmiy-ommabop kitoblarni nashr-



ga tayyorlash va chop etish, spektakllar sahnalashtirish hamda "Mahmudxo'ja Behbudiy" kinoseriali va "Xalq yuragi" badiiy-publitsistik filmlarining ommaviy namoyishlarini tashkil qilish belgilandi. Shuningdek, Toshkent va Samarqand shaharlarida ilmiy anjumanlar, bir qator madaniy tadbirlar, o'quvchi va talaba-yoshlar o'rtasida "Mahmudxo'ja Behbudiy saboqlari" mavzusida insholar tanlovi o'tkazildi.

Bizni xursand qilgan yana bir jihat, shu paytgacha bobomiz qatl etilgan Qarshi shahrida u kishi nomi bilan bog'liq biror obyekt yo'q edi. Qarorda Qarshi shahridagi ko'chalardan biriga Mahmudxo'ja Behbudiy nomini berish hamda unga bag'ishlangan yodgorlik lavhasini o'rnatish qayd etildi.

Bobomiz hayotini ma'rifatga bag'ishladi, bir umr shu maqsad bilan yashadi. Xalqni farzandlarini o'qitishga chorladi. Ularga til o'rgatish, zamonaviy ilmlardan saboq berishni erantigi yorug' kelajak bilan bog'ladi. Maktab ochib, darsliklar, kitoblar yozdi, bolalarga saboq berdi.

"Samarqand" gazetasi, "Oyna" jurnali nashr etib, xalqni uyg'onishga chorladi. Teatr ibratxonadir, degan da'vat bilan ilmsizlik qanday oqibatlarga olib kelishini "Padarkush" pesasida ko'rsatib berdi. Bu asarni o'z xonadonida sahnalashtirib, odamlarga namoyish etdi.

Bobomiz millatning taraqqiyoti uchun xorijiy tillarni bilish muhimligini qayd etib, "Ikki emas, to'rt til lozim" degan maqolasida turkiy, fors-tojik, arab, rus va hatto ingliz yoki fransuz tillarini bilish shart deb hisoblagan, ko'p til bilishning ahamiyatini shu maqolasida batafsil sharhlagan. Nazarimda bu qarashlar bugun ham dolzarb, bugun ham o'z ahamiyatini yo'qotmagan. Shuning uchun biz jadidlar ma'naviy merosini qancha ko'p o'rgansak, ularning g'oyalarni targ'ib etsak, nainki bugungi kunimiz, balki kelajak uchun qimmatli manbalarga ega bo'lamiz.

Shohruh BEHBUDIY, Mahmudxo'ja Behbudiyning evarasi.

8-yanvar –
Prokuratura organlari
xodimlari kuni

Bosh mezon -
"xalq
prokuraturasi"
maqomiga
erishish

Prokuratura idoralarining asosiy vazifasi qonun ustuvorligini ta'minlash, qonuniylikni mustahkamlashdan iborat bo'lsa-da, hududlar ijtimoiy-iqtisodiy rivojida ham ularning roli oshib bormoqda. Xususan, 2-sektorga mas'ul sifatida prokuratura organlari hududlar infratuzilmasini yaxshilash, aholi uchun munosib turmush va ish sharoiti yaratishga hissa qo'shib kelmoqda. Buni viloyatimiz misolida ham ko'rish mumkin.

O'tgan yil prokuratura, suv ta'minoti idorasi va boshqa sohalar mutaxassis-lardan iborat ishchi guruhi viloyatdagi suv inshootlarini xatlovdan o'tkazdi. Bu jayrayonda 623 ta suv inshooti ta'mirga muhtojligi sababli faoliyat ko'rsatmayotganligi aniqlanib, shundan 454 ta suv inshooti faoliyati tiklandi va 414 ming aholi toza ichimlik suvi bilan ta'minlandi.

Jumladan, Payariq tumani markazidagi beshta mahallada yashovchi aholi toza ichimlik suvi bilan ta'minlanmaganligi, mavjud tarmoq, suv inshooti va suv saqlash hovuzi yaroqsiz ahvolda kelib qolganligi aniqlandi.

(Davomi 3-sahifada) >>>

O'zbekiston Respublikasi
Prezidenti

SH. MIRZIYOYEV

2024-yil 27-dekabr

Konstitutsiyamizda mustahkamlangan ayni tamoyil biz uchun yangilik emas. Xalqimiz azaldan qiyin hayotiy vaziyatga tushib qolgan beva-bechoralarning holidan xabar olib, muhtojlarga mehr va muhrvat ko'rsatib kelgan. E'tiborlisi, endi bu jarayonda davlat bosh islohotchi sifatida ishtirok etib, boshqaruvning ijtimoiy farovonligini oshirishga qaratilgan kompleks loyihalarni hayotga tatbiq qilmoqda.

Davlat rahbari tashabbusi bilan tashkil etilgan Ijtimoiy himoya milliy agentligi va uning hududiy bo'limlari, "mahalla yettiligi" tarkibiga kiritilgan ijtimoiy xodim lavozimi mazkur fikrning amaliy isbotidir. O'tgan qisqa vaqtda soha mutaxassislar tomonidan har bir mahallada 12 toifadagi ijtimoiy himoyaga muhtoj oilalar xatlovdan o'tkazilib, yillar davomida yechimini kutgan muammolarni bartaraf etish choralari ko'rdi.

IJTIMOIY DAVLAT

TAMOYILI QAROR TOPMOQDA

ViLOYATIMIZ MISOLIDAGI GAPIRADIGAN BO'LSAK, tizim bu davrda 11,4 ming nafar shaxsga individual ijtimoiy xizmatlarni ko'rsatdi. 2024-yilning boshida viloyatda 101632 nafar nogironligi bor fuqarolar ro'yxatiga olingan bo'lsa, xatlov natijasida yana 6837 nafar fuqaroga nogironlik belgilandi. Achinarlisi, ular orasida turli sabablarga bilan 15-30 yillar davomida nogironlik belgilanmagan, demakki, davlat tomonidan kafolatlangan ijtimoiy ko'makni olish imkonini bo'lmaganlari ham bor. Amaliy tadbirlar davomida ularning 8925 nafariga nafaqa tayinlandi, 9918 nafarining bandligiga ko'maklashilgan bo'lsa, yana 2729 nafari parasportga jalb qilindi.

Yoshlarni ijtimoiy himoyalash, ularning huquq va manfaatlarini ta'minlash masalasi ham faoliyatimizning asosiy yo'nalishi sifatida belgilangan. Hozirgacha tashkilotimiz tomonidan 11882 nafar yoshlarning nazoratga olinishi ta'minlandi. Ularning ta'lim-tarbiyasini nazorat qilish maqsadida 8190 nafariga vasiylik tayinlandi, 3129 nafariga homiylik belgilandi va 375 nafari farzandlikka berildi. Hozirda 157 nafar qarovsiz bola ijtimoiy muassasalarda tarbiyalanayotgan bo'lsa, 38 nafari oila muhitiga qaytarildi.

Bu raqamlarni yana davom ettirish mumkin. Asosiy, ijtimoiy xizmat sohasida zamonaviy tizim yaratildi va u muttasil takomillashtirib borilmoqda. Xususan, yaqinda Prezident raisligida o'tkazilgan yig'ilishda ham ijtimoiy xizmatlarni yangi bosqichga olib chiqish bo'yicha muhim tashabbuslar ilgari surildi.

Ta'kidlanganidek, hozir fuqarolar ijtimoiy xizmat va yordam olish uchun 10 dan ortiq hujjatni o'zi bilan olib yurishga majbur bo'lmoqda. Prezident 2025-yilning 1-iyuligacha "ijtimoiy karta" joriy etish bo'yicha taklif berdi. Mazkur karta yordamida jamoat transportida bepul yurish, elektr, gaz va o'qish xarajatiga kompensatsiyalar olish mumkin bo'ladi. Nafaqa va yordam pullari ham shu kartaga tushadi. Bu bilan fuqarolarning ovoragarchiligiga chek qo'yiladi.

Bugun viloyatimizda 11882 nafar bola ijtimoiy himoyaga olingan. Bundan tashqari, 20 ming nafardan ortiq yoshlarda turli darajadagi nogironlik mavjud. Prezident yig'ilishda nogironligi bor yoshlarni ta'lim bilan qamrab olish masalasiga alohida to'xtalib, buning uchun har bir tumanda bittadan bog'chada inklyuziv ta'lim guruhi, maktablarda inklyuziv sinflar ochilishi, harakati cheklangan bolalarning maktabga kelib-ketish xarajatining 75 foizi qoplab berilishini aytdi. Bu o'z navbatida yosh avlodning ta'lim va tarbiya olishida teng imkoniyatlar yaratish, ularning iqtidorini ro'yobga chiqarishga xizmat qiladi.

Yig'ilishda nogironlik sabablari, ularga yordam berish masalalari tahlil qilinib, qator



tumanlarda nogironligi borlarni reabilitatsiya qilish qamrovi pastligi ta'kidlandi. Bu muammoga barham berish uchun har bir viloyat va tuman shifoxonasida reabilitatsiya xizmatini yo'lga qo'yish, nogironlik reabilitatsiya markazlarida ergoterapiya, fizioterapiya, davolash-gimnastika xizmatlari qamrovini 5 karra oshirish, tibbiyot oliygohlarida reabilitatsiya kafedralarini ochish bo'yicha vazifalar belgilandi. E'tiborlisi, nogironligi borlarga beriladigan protez va reabilitatsiya vositalari ro'yxati ham kengaytirilib, 37 taga yetkaziladigan bo'ldi. Bugun viloyatimizdan 15706 nafar fuqarolar ayni vositalar bilan ta'minlangan. Yangi qulaylik esa ularning salomatligini tiklash va ijtimoiy faolligini oshirishda muhim sanaladi. Bu o'z navbatida nogironligi borlarning jamiyatga tezroq qaytishi va o'zi istagan mehnat faoliyati bilan shug'ullanishi uchun imkoniyat degani.

Prezident bu jarayonni rag'batlantirish maqsadida 2025-yilning 1-yanvaridan nogironligi bo'lgan ishchilar uchun ijtimoiy soliqni 1 foiz etib belgilash taklifini berdi. Shuningdek, korxonalariga surdo-tarjimon, psixolog va ko'zi ojizlar uchun hamrohlik xizmati xarajatiga 50 million so'mgacha subsidiya ajratilishi aytiladi.

Xulosa qilib aytganda, Yurtboshimiz tashabbusi bilan boshlangan bu islohotlar tizimning barcha yo'nalishlarini qamrab oladi. Bundan kelib chiqib, biz ham 2025-yil uchun qator vazifalarni belgilab oldik. Jumladan, bu yil o'zgarlar parvarishi bilan band bo'lgan 1831 nafar shaxsga ishlash imkonini yaratilishi, 6,9 ming nafar nogironligi borlarni reabilitatsiya qilish, 5,1 ming nafarini adaptiv sport turiga jalb qilish, ularning 18 ming nafari bandligini ta'minlash choralari ko'riladi. Davlat bog'chalarida tashkil etiladigan inklyuziv guruhlariga 77 nafar, maktablardagi inklyuziv sinflarga 284 nafar bola jalb qilinadi. Shuningdek, 98 ta ijtimoiy obyekt nogironligi bo'lgan shaxslarga moslashtiriladi.



Xurshid NAZAROV,
Ijtimoiy himoya milliy agentligi
viloyat boshqarmasi boshlig'i.



Jomda qadimiy

G'ISHTBAND

suv ombori

YANGIDAN BARPO ETILDI

NUROBOD TUMANINING JOM QISHLOG'IDA XI ASRDA QORAXONIYLAR DAVRIDA BUNYOD ETILGAN "G'ISHTBAND" TARIXIY SUV OMBORI YANGIDAN QURILDI. JOM – Nafaqat Nurobod, balki viloyatimizning uzoq tarixga ega aholi yashash maskanlaridan biri hisoblanadi. Tarixiy manbalarda bu joy qadimiy ipak yo'lining muhim nuqtalaridan biri sifatida qayd etiladi. Qishloq tog' va qirliklar orasida, chuqur joyda bo'lgani uchun unga "Jom" deb nom berilgan. Taxmin qilinadi. Qishloq aholisi asosan tog'lardan boshlanadigan buloq suvlaridan iste'mol qilgan va dehqonchilik uchun foydalangan.

Qoraxoniylar davrida qishloq tepasidagi, Zarafshon tog' tizmalarining g'arbiy etaklaridan oqib tushadigan Omondarasoyda suv ombori qurilgan. O'n metr balandlikdagi to'g'on tog' toshlaridan g'isht shaklida yo'nib qurilgan uchun "G'ishtband" degan nom olgan. Tarixiy manbalarda keltirilishicha, soyni eng tor joyda o'rnatilgan to'g'onning asosi 10, tepa qismi uzunligi 25 metr, eni 5-5,5 metr bo'lgan. Suv ombori esa 700 metr uzunlikda va 10 metr chuqurlikka bo'lgani va mazkur inshootda 300 ming kub metr hajmda suv jamg'arilgan qayd etiladi.

Ushbu suv inshooti XI-XII asrlarda qoraxoniylar davrida qurilgan, deydi tarixchi Sharif Sahatov. Qoraxoniylar hukmdori Ibrohim ibn Nasr Tamg'ach Bug'roxon davrida Samarqand g'arbiy qoraxoniylar davlati poytaxti bo'lgan. O'sha paytda Samarqand va uning atrofini o'z ichiga olib qurilgan qator inshootlar, binolar qurilgan. Jumladan, Jom cho'lini sug'orish uchun "G'ishtband" suv ombori qurilgan va bu orqali aholini suv bilan ta'minlash, hududdagi 300 gektardan ortiq yerni sug'orish imkoniyati yaratilgan. Ushbu suv omborining to'g'oni, ya'ni g'ishtband tog' toshlaridan, qorishmasi esa shu yerdan chiqqan ohaktosh va o'simliklar kullaridan tayyorlangan. Bandning balandligi 10 metr, uzunligi 25 metr, qalinligi 5,5 metr bo'lgani, undan oltita quvur orqali suv chiqarilgan manbalarda qayd etiladi. Ayni paytda respublikamiz hukumati tomonidan Omondarasoyda, ya'ni qadimiy G'ishtbandda yangi suv ombori qurildi. Shu bilan birga, qadimiy to'g'on qoldiqlari ham saqlanmoqda. Ajdodlarimizdan qolgan suv inshoot madaniy meros obyektlari ro'yxatiga kiritilib, asrab-avaylansa va sayyohlik yo'nalishlaridan biriga aylantirilsa, maqsadga muvofiq bo'lardi.

Qadimiy yodgorliklar va tarixiy manbalar izlanuvchisi Akmal Hamroyev ham G'ishtband tarixi bilan bog'liq ko'plab ma'lumotlar va ashyolar mavjudligini qayd etib, bu yerda o'rganish ishlari olib borish zarurligini ta'kidlaydi.

G'ishtband qoraxoniylar davrining muhim strategik inshootlaridan biri bo'lgan va o'z vaqtida 300 ming kub metr suvni saqlab, aholini suv bilan ta'minlagan, deydi A.Hamroyev. Biz ushbu eski bandni o'rganish jarayonida bu yerdan metall qorishma ham topdik. Bu shundan dalolat beradiki, mazkur hududda metallardan turli buyumlar, qurol-yarog' va tangalar yasalgan. Agar inshootda arxeologik tadqiqotlar o'tkazilsa, nafaqat G'ishtband, balki Jom tarixi bilan bog'liq ko'plab yangi ma'lumotlar, tarixiy ashyolarga ega bo'lish mumkin, deb o'ylaymiz.

Omondarasoyda qadimiy suv omborini qayta qurish orqali Jom qishlog'i aholisini suv bilan ta'minlash, qishloq xo'jaligi va chorvachilikni rivojlantirish, hudud tabiati musaffoligini saqlab qolish uchun harakat qilayotgan va boshqalarni ham shunga da'vat etayotgan faollardan biri

Eshturdi Rahimovdir. 82 yoshli otaxon bir necha yillardan buyon mazkur inshoot va hudud tarixi bilan bog'liq ma'lumotlarni to'plab, tegishli idoralarga taqdim etmoqda va suv ombori qurilishiga hissa qo'shmoqda.

Qoraxoniylar davriga oid "G'ishtband" suv ombori 330 ming kub suvni saqlab, aholining ichimlik suvi va qishloq xo'jaligi uchun ehtiyojini qondirgan, deydi Eshturdi Rahimov. Uzoq yillar aholi bundan samarali foydalanagan. Jom qadimiy ipak yo'lining chorrahasida joylashgani uchun muhim ahamiyatga ega hudud bo'lgan. Bu yerda katta qo'rg'on bo'lgani va tashqi dushmanlardan himoyalash maqsadida atrofi suv bilan o'ralgan haqida ma'lumotlar bor. Ushbu qo'rg'on ham suv "G'ishtband" suv omboridan borgan. Umuman, suv omboridan 21 kilometr masofaga, Sansalorota degan joygacha ariqlar tortilib, 330 gektar yerni suv bilan ta'minlangan. Bu 1962-yilda yurtimiz arxeolog olimlarining Mozandaronekspeditsiyasi tomonidan ham qayd etilgan. Hududda aholi sonining o'sib borishi va suv tanqisligi kuchayishi natijasida, qolaversa, oziq-ovqat xavfsizligini ta'minlash, bahorgi mavsumda sodir bo'ladigan sel va toshqindan aholini saqlash maqsadida qadimiy suv omborini tiklash bo'yicha fikrlar bildirildi. Keyin bu taklif va tashabbuslarni Vazirlar Mahkamasiga taqdim etdik va 2014-yil 27-iyulda Vazirlar Mahkamasining qadimiy "G'ishtband" suv omborini tiklash, buning uchun 3 milliard 323 million so'm pul ajratish to'g'risidagi qarori qabul qilindi. Dastlab 2015-2017-yillarda qurilish ishlari olib borildi. Keyin 2021-yilda Vazirlar Mahkamasining qarori bilan yana 5,5 milliard so'm ajratildi va hozirda inshootda qurilish ishlari yakuniga yetmoqda. Bu davlatimiz rahbarining keyingi yillarda yurtimizda oziq-ovqat xavfsizligini ta'minlash va qishloq xo'jalik mahsulotlari ishlab chiqarish hajmini oshirish, atrof-muhit musaffoligini saqlash va suv taqchilligining oldini olishga qaratilgan islohotlari natijasidir.

Bu inshoot faqatgina aholini sel va toshqin suvlari xavfidan saqlash, suv bilan ta'minlashdan tashqari, hudud infratuzilmasini rivojlantirishga yordam beradi. "G'ishtband"da suv to'planishi Jomni suv bilan ta'minlaydigan buloqlarda suv ko'payishi va yangi buloqlar ko'z ochishiga, atrof-muhit musaffoligini ta'minlash, yangi bog' va o'rmonzorlar, yashil hududlar yaratilishiga asos bo'ladi. Kelajakda bu yerni turistik yo'nalishga kiritib, sayyohlik sohasida ham yangi loyihalarni amalga oshirish, dam olish maskanlari yaratish mumkin. Bugun Jomda 30 ming aholi yashaydi. Albatta, ular uchun munosib turmush sharoiti yaratish, yangi ish o'rinlari ochish lozim. Yangi suv ombori ushbu maqsadlarga erishishga xizmat qilishi shubhasiz.

G'.HASANOV,
A.ISROILOV (surat).



Keyingi kunlarda aholi orasida grippga chalinib, og'ir ahvolda shifokorga murojaat qilayotganlar soni ko'paymoqda. Bu holatning oldini olish uchun avvalo, har bir kishi o'zini virusli xastalıklardan himoya qilishi kerak. Gripp bilan har qanday kishi yilning to'rt faslida xastalanishi mumkin. Ammo havo sovuq kunlari aholi shamollatilmaydigan, yopiq xonalarda to'plangan uchun ko'proq tarqaladi. Shuning uchun uyda o'tirgan qariyalar, maktab, bog'cha yoshidagi bolalar grippga ko'proq chalinadi.



Kasallik qo'zg'atuvchisi organizmda bir-ikki kun davomida hech qanday belgilarisiz joylashishi mumkin. Ammo keyin bemorda lohaslik, et uvishishi, bo'g'inlar zirqirashi va mushaklarda og'riq kuzatili

ladi. Ishtimalashi mumkin, bosh aylanib, darmonsizlanadi, ko'ngli ayniydi. Lohaslik, darmonsizlik uzoq vaqtgacha davom etishi mumkin. Shuning uchun gripp bilan og'riganda albatta, yotoq rejimiga amal

qilinishi kerak. Oyoqda o'tkazilgan kasallik qator asoratlarni keltirib chiqaradi, shuning uchun shifokorga murojaat qilish va albatta, zarur davo muolajalarini olish lozim.

Aytish kerakki xalqimiz orasida grippning oldini olish uchun yoki ilk belgilari paydo bo'lganda qator tabiiy davo usullarini qo'llanadi. Ularning qatorida quyidagi tavsiyalarni ham qo'llash mumkin: piyozni tozalab, mayda to'g'rash va idishga solib, 2-3 daqiqa davomida hidlash;

bug'li ingalyatsiyalar – moychechak, kartoshka bo'tqasi, soda eritmasi bug'idan 2-5 daqiqa nafas olish; yerqalampir (xren) o'tini qirg'ichdan o'tkazib, ustidan 2-3 dona limon suvi qo'shgan holda har kuni 2-3 qoshiqdan

ichish; qariqiz o'tidan bir oshqoshib olib, damlama tayyorlash, nahorda va kechqurun ichish. Immunitetni oshirishga tabiiy antioksidant bo'lgan asal va viruslarga qarshi samarali kurashadigan sarimsoq yordam beradi. A vitamini bilan boyitilgan sabzi va shirin kartoshka, C vitamini mavjud sitrus mevalar va brokkoli hamda gripp va nafas yo'llarining yuqumli kasalliklariga qarshi kurashishda yordam beradigan E vitamini boy yong'oqlar iste'moli maqsadga muvofiq. To'g'ri ovqatlanishni tashkil qilishdagi birinchi qadam ovqatlanish madaniyatiga rioya qilishdir. Nonushta, tushlik, kechki ovqat muntazam bo'lishi va foydali sabzavot, ko'kat, mevalar ratsionidan albatta, o'rin olishi kerak.

Shohsanam RAYIMOVA,
immunolog.

OILAVIY SHAMOLLAYOTGANLAR

BOSH MEZON

"XALQ PROKURATURASI" MAQOMIGA ERISHISH



(Davomi. Boshlanishi 1-sahifada).

Muammoni hal qilish maqsadida ichimlik suvi bilan ta'minlash bo'yicha loyiha-smeta hujjatlari ishlab chiqilib, mahallalarda yangi tarmoq tortish, suv inshooti va suv saqlash hovuzini rekonstruksiya qilish rejalashtirildi. Mustaqillik mahallasida 3700 metr, Alisher Navoiy nomli mahallada 3500 metr va Farovon mahallasida 1500 metr tarmoq tortildi. Bundan tashqari, 1600 metr mavjud tarmoq ta'mirlanib, yangi suv tarmog'iga ulandi. Natijada 217 ta xonadon toza ichimlik suvi bilan ta'minlandi.

Qayd etish lozimki, loyiha yakunida 28 mingdan ko'proq aholi markazlashgan ichimlik suvi bilan ta'minlanishi barobarida, 25,1 milliard so'm mablag' iqtisod qilinishiga erishiladi.

Qo'shrabot tumanidagi Shovona mahallasida o'tgan yili "Obod xonadon", "Obod ko'cha" va "Obod mahalla" mezonlarini joriy etish bo'yicha amalga oshirilgan ishlar boshida ham prokuratura organlari turdi.

Beshta qishloqdan iborat mahallada 956 ta xonadon, 1250 ta oila bo'lib, 5298 nafar aholi istiqomat qiladi. Bog'dorchilikka ixtisoslashgan hududda 2913 nafar mehnatga layoqatli aholidan 102 nafari ishsiz edi.

O'tgan yili 26 nafar fuqaro doimiy ishga joylashtirilib, 40 nafari kasb-hunariga o'qitildi, 159 nafari o'zini o'zi band qildi, 30 nafariga esa tadbirkorlik faoliyatini boshlashiga amaliy yordam ko'rsatildi. Natijada mahalla ishsizlikdan xoli hududga aylantirildi.

Xususan, "Uychi tajribasi" asosida 48 ta ehtiyojmand oilaga 2500 ta tovuq bepul, 111 fuqaroga 1 milliard 600 million so'mlik kredit mablag'lari evaziga 15 mingga yaqin tovuq tarqatildi.

"Sayxunobod tajribasi" asosida 40 nafar fuqaroga qishloq xo'jaligi mahsulotlari yetishtirish uchun 20 gektar yer maydoni ajratilib, sug'orish tizimi uchun 2 ta artezian quduq qazildi.

Yil davomida ijtimoiy daftarlarda turgan 118 fuqaroga 98 million so'mlik turli yordamlar ko'rsatilib, 131 fuqaroga 2,3 milliard so'm bank krediti olishida ko'maklashildi. Bundan tashqari, 15 nafar shaxsga 150 million so'mlik asbob-uskuna uchun subsidiya ajratildi.

Mahallada tikuvchilik sexi faoliyati yo'lga qo'yilib, 20 nafar xotin-qizning bandligi ta'minlandi.

Hududda aholining turmushini yaxshilashga qaratilgan yana boshqa ishlar ham amalga oshirildi. Jumladan, 8 kilometr asosiy va ichki yo'llar asfaltlandi, 40 kilometr ichki yo'llarga qum-shag'al yotqizildi, 3,7 kilometr piyodalar yo'lagi barpo etilib, 133 ta tunji yoritish chiroqlari o'rnatildi. Har qishloqda bittadan "Workout" sport maydonchasi qurildi.

Mahalladagi to'rtta maktab, oilaviy poliklinika ta'mirlandi.

O'tgan yil shu tumandagi 45 va 51-maktablarda ham viloyat prokuraturasi tashabbusi bilan qurilish-ta'mirlash ishlari amalga oshirildi. Bu maktablarning biri tuman markazidan 40 kilometr, ikkinchisi 60 kilometr uzoqlikda joylashgan. Ikkinchisi ham bir xil muammo — binolar eski, o'quvchilari soni esa me'yordan ko'p. Joy yetishmasligi, yaqin o'rtada boshqa maktabning yo'qligi sababli darslar ikki navbatda, hatto koridor va sport zalida ham o'tilgan.

Oqchobsoy mahallasidagi 51-umumta'lim maktabiga viloyat prokuraturasi hisobidan ajratilgan 2,4 milliard so'm mablag' evaziga 220 o'rinni qo'shimcha bino qurildi. Muassasaning 2007 yilda qurilgan binosi to'liq ta'mirlandi, mini futbol maydonchasi va o'quvchilarning maktab hududiga xavfsiz kirib-chiqishi uchun soy ustida ko'priq qurildi.

Yuqori Jo'shdagi 45-umumta'lim maktabida esa 2,1 milliard so'm mablag' evaziga 180 o'rinni qo'shimcha bino qad rostladi. Bu yerda ham maktabga kirib-chiqish yo'lini to'sgan soy ustida 17 metrlik ko'priq, bolalarining sport bilan shug'ullanishi uchun mini futbol maydonchasi qurildi.

Yangi yil bayrami arafasida Ishtixon tumanining O'zbekqo'rg'on mahallasida foydalanishga topshirilgan 200 o'rinni bog'cha ham viloyat prokuraturasining deponit hisobi hamda homiylik ko'magi bilan, jami 7 milliard so'm mablag' evaziga bunyod etildi. Bu loyihaning ahamiyati shundaki, yangi qurilgan bog'cha hududda yagona hisoblanadi va shu vaqtgacha farzandining tarbiyasi bilan band bo'lgan fuqarolarga ishlab, daromadini oshirish imkonini berdi.

Aslida bu kabi ishlarni yana ko'plab sanash, misol keltirish mumkin. Aytmoqchi bo'lganimiz esa bitta — bugun tizimda ishlayotgan har bir xodim bosh mezon "Xalq prokuraturasi" maqomiga erishish ekanligini his etib mehnat qilmoqda.

Y.MARQAYEV,
A.BAROTOV.

Yoshlar turizmi haftaligi

"Sayohat qilyapmiz,
ham tarixni o'rganyapmiz"

Xabar qilganimizdek, viloyatda o'quvchi va talabalarining qishki ta'tilidagi bo'sh vaqtni mazmunli o'tkazish maqsadida yoshlar turizmi haftaligi tashkil etildi. 4-6-yanvar kunlari Jomboy, Bulung'ur, Toyloq, Samarqand, Ishtixon va Qo'shrabot tumanlarida yashovchi o'g'il-qizlar Samarqand shahridagi tarixiy obidalar va diqqatga sazovor maskanlarni ziyorat qilishdi.

Sayohatga tumanimizning faol yoshlari taklif qilinganidan xursandman, - deydi Bulung'ur tumandagi 42-maktab o'quvchisi Sarvar Arziqulov. - Voleybol bo'yicha tuman yoshlar terma jamoasi a'zosi. Jamoamiz ko'plab musobaqalarda qatnashib, g'oliblikni qo'lga kiritgan. Yaqinda viloyat bo'yicha o'tkazilgan musobaqada ham birinchi o'rinni egalladik.

Viloyatning har bir shahar va tumanidan, asosan, fan olimpiadalari va tanlovlarda g'oliblikni qo'lga kiritgan, shuningdek, nogironligi bo'lgan, ijtimoiy daftarlarda ro'yxatda turgan o'quvchi va talaba yoshlar sayohatlarda ishtirok etyapti.

- Ham ziyorat qilyapmiz, ham

tarix fanidan bilimlarimizni oshiryapmiz, - deydi Jomboy tumandagi 46-maktab o'quvchisi Sadoqat Abdurahmonova. - Samarqand shahridagi tarixiy obidalarni ko'zdan kechirdik, ularning tarixi bilan yaqindan tanishdik. Ayniqsa, mohir hunarmandlarning qo'l mehnati orqali tut daraxti po'stlog'idan tayyorlanadigan qog'oz va undan yasalgan turli xil buyumlar, kiyimlar, qo'g'irchoqlar menda katta taassurot qoldirdi.

Sayohat davomida "Musiqali tanaffus" tadbiri tashkil etilib, yosh sayohatchilar uchun konsert dasturlari namoyish qilinyapti.

To'liq SIDDIQOV,
Baxtiyor MUSTANOV (surat).

Davlat xizmatlarida ortiqcha talablardan voz kechilmoqda

Vazirlar Mahkamasining tegishli qarori bilan 5 turdagi davlat xizmatlarini proaktiv tarzda hamda 6 turdagi davlat xizmatlarini kompozit tarzda ko'rsatish yo'lga qo'yilmoqda.

Xususan, elektr energiyasini hisobga olish uskunalari, tabiiy gazni hisobga olish uskunalari, ichimlik suvini hisobga olish uskunalari va issiq suvni hisobga olish uskunalari davriy qiyoslashdan o'tkazish hamda xususiy bandlik agentliklarini Xususiy bandlik agentliklarining reestriga kiritish davlat xizmatlari proaktiv tarzda ko'rsatiladi. Ya'ni, bu holatda xizmat jismoniy va yuridik shaxslarning murojaatlarisiz vakolatli organlar tashabbusi bilan ko'rsatiladi.

Shuningdek, quyidagi davlat xizmatlarini kompozit tarzda ko'rsatish yo'lga qo'yilmoqda:

- ko'chmas mulkka bo'lgan huquqni davlat ro'yxatidan o'tkazish va ushbu manzilga doimiy yashash joyi bo'yicha ro'yxatga qo'yish;
- ko'chmas mulk ijara yoki tekin foydalanish shart-

nomalarini davlat soliq xizmati organlarida hisobga qo'yish va ushbu manzilga vaqtincha turgan joyi bo'yicha ro'yxatga qo'yish;

- davlatga tegishli bino yoki inshootni bir yildan kam bo'lmagan muddatda ijaraga berish va ko'chmas mulkka bo'lgan huquqni davlat ro'yxatidan o'tkazish;
- "E-aktsion" elektron savdo platformasida ko'chmas mulk obyektlarini sotish va ko'chmas mulkka bo'lgan huquqlarni davlat ro'yxatidan o'tkazish;
- tibbiy faoliyat uchun litsenziya bilan birga rentgen uskunasi bilan foydalanish uchun ruxsatnoma olish;
- xavfli yuklarni tashish uchun sig'irlarning yaroqliligi to'g'risida xulosa bilan birga yadroviy va radioaktiv materiallar, radiatsiya manbalari, radioaktiv chiqindilar va qurollar tashish shartlari va usullarining sanitariya qoidalariga muvofiq to'g'risida xulosa olish.

Bundan tashqari, bojxona brokeri faoliyati, xalqaro kurerlik jo'natmalarini yetkazib berish bo'yicha faoliyat va nodavlat arxivlarni tashkil etish bo'yicha faoliyat turlaridan xabardor etishni nazarda tutuvchi davlat xizmatlarini ko'rsatish pasportlari tasdiqlandi. Buning natijasida mazkur xizmatlarga doir ortiqcha tartiblar bekor qilinadi.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-56

OCHIQ MA'RUZALAR O'TKAZILADI

SamDTU DKTf oilaviy va preventiv tibbiyot, ijtimoiy salomatlik, sog'liqni saqlash boshqaruvi hamda pediatriya va neonatologiya kafedralari ishtirokida 2025-yil 17-yanvar kuni soat 10:00 da DKTf oilaviy va preventiv tibbiyot, ijtimoiy salomatlik, sog'liqni saqlash boshqaruvi hamda pediatriya va neonatologiya kafedralari tinglovchilari, klinik ordinatorlari, internalari va magistrlar uchun integral ochiq ma'ruza bo'lib o'tadi.

Mavzu: "Pediatri va oilaviy shifokorlar amaliyotidagi dolzarb muammolar: Bolalarda siydik yo'llari infeksiyalari ("Актуальные вопросы в практике педиатрии и семейного врача: Инфекции мочевыводящих путей у детей").

Ma'ruzachilar: t.f.n., dotsent M.M.Axmedova hamda katta o'qituvchi N.E.Yuldashova.

Manzil: SamDTU DKTf oilaviy va preventiv tibbiyot, ijtimoiy salomatlik, sog'liqni saqlash boshqaruvi kafedrasida ma'ruzalar zali.

Taklif qilinganlar: DKTf oilaviy va preventiv tibbiyot, ijtimoiy salomatlik, sog'liqni saqlash boshqaruvi hamda pediatriya va neonatologiya kafedralari tinglovchilari, klinik ordinatorlar, internalari va magistrlar o'quv bo'limi va barcha qiziquvchilar.

Kafedra mudirlari: t.f.n., dotsent Sh.A.Xusinova hamda t.f.d., professor R.X.Sharipov.

SamDTU pediatriya ishi fakultetining nevrologiya kafedrasida, SamDTU DKTf terapiya, kardiologiya va funksional diagnostika, Vagner E.A. nomidagi Perm davlat tibbiyot universiteti nevrologiya va tibbiy genetik kafedralari ishtirokida 2025-yil 15-yanvar kuni soat 09:00 da nevrologiya fanidan pediatriya fakultetining 5-kurs talabalar uchun ochiq ma'ruza bo'lib o'tadi.

Mavzu: "Bosh miya qon tomir kasalliklari".

Ma'ruzachilar: professor A.T.Djurabekova, professor Yu.V.Karakulova, professor I.R.Agababiyev.

Manzil: SamDTU ko'p tarmoqli klinikasi nevrologiya kafedrasida ma'ruzalar zali.

Taklif qilinganlar: Pediatriya fakultetining 5-kurs 521, 522, 523-guruh talabalar, kafedra assistentlari, bo'lim vrachlari, klinik ordinatorlar, magistrlar, talabalar ilmiy jamiyatiga a'zo talabalar, o'quv bo'limi va barcha qiziquvchilar.

Kafedra mudiri: t.f.d., professor A.T.Djurabekova.

DA'VOLAR BO'LSA...

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Mamasoliyev Xamdamga (2020-yil 25-martda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Samarqand shahrida xususiy amaliyot bilan shug'ullanuvchi notarius Murtazayev Sherzod Sobirovich notarial idorasida marhum Atayev Djamil Rabbimovichga (2020-yil 3-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Murtazayev Sherzod Sobirovich notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Li Liliyaga (2019-yil 21-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 17-uy.

Samarqand shahrida xususiy amaliyot bilan shug'ullanuvchi notarius Yusupova Iroda Rustamovna notarial idorasida marhum G'ulomov Alisher Xusainovichga (2023-yil 11-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Iroda Rustamovna notarial idorasiga murojaat etishlarini so'raymiz.

Manzil: Samarqand shahri Bog'dod ko'chasi, 1-uy, 3-xona.

Samarqand shahrida xususiy amaliyot bilan shug'ullanuvchi notarius Yusupova Iroda Rustamovna notarial idorasida marhum Gulyamova Zulxumor Imamkulovnaga (2022-yil 12-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Iroda Rustamovna notarial idorasiga murojaat etishlarini so'raymiz.

Manzil: Samarqand shahri Bog'dod ko'chasi, 1-uy, 3-xona.

Fuqarolar Solehzoda Parvizi Same'jon va Nuriddinova Nodira Jumaevnalar o'rtasida 2021-yil 26-oktabrda Samarqand shahri "Mirzo Bedil" MFY, Buyuk Ipak yo'li ko'chasi, 37-uy, 7-xonadon uchun tuzilgan, Samarqand shahrida xususiy amaliyot bilan shug'ullanuvchi notarius Alieva Lola Zoirovna tomonidan tasdiqlanib, 20210714004627 raqam bilan reestrda qayd qilingan turarjoy oldi-sotdi shartnomasining sotib oluvchidagi asl nusxasi yo'qolganligi sababli bekor qilinadi.

Manzil: Samarqand shahri Bog'dod ko'chasi, 1-uy, 3-xona.

BEKOR QILINADI

Fuqarolar Solehzoda Parvizi Same'jon va Nuriddinova Nodira Jumaevnalar o'rtasida 2021-yil 26-oktabrda Samarqand shahri "Mirzo Bedil" MFY, Buyuk Ipak yo'li ko'chasi, 37-uy, 7-xonadon uchun tuzilgan, Samarqand shahrida xususiy amaliyot bilan shug'ullanuvchi notarius Alieva Lola Zoirovna tomonidan tasdiqlanib, 20210714004627 raqam bilan reestrda qayd qilingan turarjoy oldi-sotdi shartnomasining sotib oluvchidagi asl nusxasi yo'qolganligi sababli bekor qilinadi.

Qo'shrabot tumanidagi "THE BEST PRODUCTS AND SERVICES" mas'uliyati cheklangan jamiyatining (STIR: 302698395) dumaloq muhri va burchak tamg'asi yo'qolganligi sababli bekor qilinadi.

Fuqaro Fattoyeva Zulayxoga tegishli Samarqand tumani "Ravonak" MFY, Toshkent ko'chasida joylashgan savdo

do'koni va umumiy ovqatlanish shoxobchasining kadastr hujjatlari to'plami yo'qolganligi sababli bekor qilinadi.

Samarqand tumanidagi "ZULAYXO FAYZLI TAOMLARI" mas'uliyati cheklangan jamiyatining (STIR: 304612944) dumaloq muhri va burchak tamg'asi yo'qolganligi sababli bekor qilinadi.

Oqdaryo tumanidagi "KARVON TA'MINOT OMAD" mas'uliyati cheklangan jamiyatining (STIR: 308537321) dumaloq muhri va burchak tamg'asi yo'qolganligi sababli bekor qilinadi.

Samarqand davlat tibbiyot universitetidan Musamurodova Anarxol Tursunovnaga 2024-yil iyun oyida berilgan qayd raqami 4048, MO 413525 raqamli sertifikat yo'qolganligi sababli bekor qilinadi.

TOPGANGA MUKOFOTI!

Fuqaro Shurayev Elmurod Qurdashevich nomiga 2023-yil 28-martda berilgan AG 0809158 raqamli haydovchilik guvohnomasi Samarqand shahri hududida tushurib qoldirilgan. Ushbu haydovchilik guvohnomasini topganlardan mukofot evaziga qaytarishlarini so'raymiz.

Telefon: +99893-994-73-90.

Fuqaro Ismoilov Laziz Buriyevich nomiga 2021-yil 17-avgustda berilgan AF 2903011 raqamli haydovchilik guvohnomasi Samarqand shahri hududida tushurib qoldirilgan. Ushbu haydovchilik guvohnomasini topganlardan mukofot evaziga qaytarishlarini so'raymiz.

Telefon: +99891-546-98-46.

Fuqaro Mavlanov Shaxron Shokirovichga tegishli davlat raqami 30 G 816 ZA bo'lgan "Matiz" rusumli avtomashinasining davlat raqam belgisi Samarqand shahri hududida tushurib qoldirilgan. Ushbuni topganlardan mukofot evaziga qaytarishlarini so'raymiz.

Telefon: +99891-528-19-43.

“Sobiq ittifoq davrining so‘nggi yillari edi. Tuman markazidagi gastronomga baliq kelibdi, degan xabar tarqaldi. Shifoxonada yotgan onam rahmatli muhali baliq bo‘lgani uchunmi yo parhez taomligi uchunmi, baliqni judayam xush ko‘rar edi. Eshitib gastronomga chopdim”, deya hikoya qiladi pastdarg‘omlik Shomurod Qurbonov. Borsam navbat.

– Xotinim boshqorong‘i edi. O‘tkazvormaysizmi? – iltijoli qarash qiladi junjikib ortimda turgan yigit.

– Sening xotining ekan, bu yerdagilarni o‘zleri baliqqa “boshqorong‘i” ko‘rinadi, qara ularni. Bugunlar navbat tegmas-ov.

Umidisiz qaytaman. Shifoxonaga baliq o‘rniga non orasiga kabob qo‘ydirib borsam, xotinim allaqachon baliqqa ketganimni aytib, onamdan “suyunchi” olgan ekan.

– Baliq olib keldingmi? – entikib qo‘limga qaraydi onam. Xijolatdan qizarib, ertaga albatta, olib kelaman, deyman. Ertasiga borsam, baliq tala-tala bo‘lib ketibdi. Kelgusi gal yana baliq kelgunicha onam rahmatli ovqatdan qoldi... Rasa alam qilgan. O‘sha paytlar faqat baliq emas, tovuq go‘shiti, limon, asal, hatto xurmo ham tanisq edi. Bugun bozor to‘la baliq, tovuq, bedana go‘shiti, o‘zinning tomorqamda ham issiqxonam bor, limon, ko‘kat uydin chiqyapti.

Darhaqiqat, Shomurod akaning yurakni ezadigan bu hikoyasidagi real voqealardan: oziq-ovqat tanisligidan-serobligigacha bo‘lgan yo‘l o‘zi bo‘lgani yo‘q. Bu borada

“BEMOR ONAMga



bitta baliq topa olmaganman”

mamlakatimizda oziq-ovqat xavfsizligi masalalari ijtimoiy-iqtisodiy siyosatimizning eng markaziy o‘rinlaridan bo‘lib, ushbu sohada aholini sifatli oziq-ovqat mahsulotlari bilan ta‘minlash bo‘yicha strategik jihatdan muhim chora-tadbirlar amalga oshirilishi muhim omil bo‘ldi.

30-sentabr kuni Prezidentimizning “Qishloq xo‘jaligi va zirligi huzuridagi Agrosanoatni rivojlantirish agentligi faoliyatini tashkil etish to‘g‘risida”gi qarori qabul qilindi. Unga ko‘ra, qishloq xo‘jaligi va oziq-ovqat yo‘nalishidagi subsidiyalari bel-

gilandi. Bu bilan dehqonlarga yangi imkoniyatlar berildi va yangi tashabbuslariga asos yaratildi. Endi hududlarda shu yo‘nalishda ko‘chat yetishtirish va namunaviy bog‘lar, intensiv mevali bog‘ va uzumzorlar ko‘payadi, «in-vitro» usulida yaratiladigan ko‘chatlar soni ko‘payadi. Shu asosda oziq-ovqat mahsulotlari yetishtirish hajmi oshadi, narxi arzonlashadi. Viloyatimiz ushbu yo‘nalishda ichki va tashqi bozorni arzon hamda sifatli oziq-ovqat mahsulotlari bilan ta‘minlashda respublikada yetakchi o‘rinlarda qayd etiladigan hududlardan biri bo‘lib, viloyat-

da mahsulotlar ishlab chiqarish hajmini ham miqdor, ham sifat jihatdan yaxshilash borishga asoslangan keng qamrovli ishlar amalga oshirilmog‘da.

– Viloyatimizda o‘tgan yilning yanvar-sentabr oylari davomida 37,9 trillion so‘mlik qishloq xo‘jaligi mahsulotlari ishlab chiqarilib, o‘shish sur‘ati 104,4 foizni tashkil etmog‘da, - deydi viloyat qishloq xo‘jaligi boshqarmasi, qishloq xo‘jaligi mahsulotlari yetishtirish shu‘basi boshlig‘i Tohir Duvlanov. - Shu bilan bir qatorda jami 183,1 million dollarlik, jumladan, 117,6 million dollarlik meva-sabzavot hamda 65,5 million dollarlik oziq-ovqat sanoati mahsulotlari eksportga yo‘naltirildi. Sohada 98 ming 643 nafar aholining bandligi ta‘minlandi. O‘tgan yilda 8 trillion 314 milliard so‘mlik oziq-ovqat sanoati mahsulotlari ishlab chiqarishga erishildi. Fermer va qishloq xo‘jaligi korxonalarini ixtiyorida 26,6 ming gektar bog‘larning 15,8 ming gektari intensivlashtirildi. Keyingi 4 yilda 27,3 ming gektar tokzorlar va 15,3 ming gektar bog‘lar barpo etildi. 2024-yilning bahor mavsumida 2,5 ming gektar intensiv bog‘lar tashkil etildi. Shuningdek, yil yakuniga qadar qishloq xo‘jaligi va oziq-ovqat sanoati sohasida jami 253 ta investitsiya loyihalari ishga tushirilishi hisobiga 2 ming 89 ta ish o‘rni yaratiladi.

Albatta, bir necha yil avval faqat bayramlarda dasturxonimizni bezab turuvchi tansiq hisoblangan noz-ne‘matlar bugun aholining kundalik xaridi sarasiga kirib, oilaviy ratsionini tobora boyitib bormog‘da.

Shu o‘rinda viloyatda oziq-ovqat sanoati yo‘nalishidagi dasturlarning samarasi sabab, o‘tgan yillardagi ko‘rsatkichlarni

taqqoslaganda hududda oziq-ovqat mahsulotlari ishlab chiqarish hajmi sezilarli oshganligini kuza-tish mumkin. Jumladan, viloyat mirishkorlari tomonidan don mahsulotlari yetishtirish 2023-yilda 713 ming tonnani tashkil etgan bo‘lsa, 2024-yilda bu ko‘rsatkich 937 ming tonnaga yetgan, sabzavot yetishtirish borasida esa 2023-yil 1 million 600 tonna mahsulot tayyorlangan bo‘lsa, 2024-yilda 1 million 639 ming tonnani tashkil etadi. Poliz mahsulotlari 2023-yil 172 ming tonna tayyorlangan bo‘lsa, 2024-yil 190,9 ming tonnadan oshmog‘da. 2023-yilda 388 ming tonna meva yetishtirilgani holda, 2024-yilda o‘shish sur‘ati 106 foizni tashkil etmog‘da.

Agrar sohaning yana bir muhim tarmog‘i chorvachilik sohasi va uning tarmoqlari hisoblanadi. Uni rivojlantirish orqali asosiy oziq-ovqat tovarlari - go‘shiti, tuxum, sut, asal, baliq mahsulotlari ishlab chiqarish hajmini ko‘paytirish imkonini oshadi. Narxlar barqarorligi ta‘minlanadi.

Bu borada o‘tgan yilda viloyatdagi barcha toifadagi xo‘jaliklarda go‘shiti yetishtirish 151 ming tonnani tashkil etib, 2023-yilga nisbatan 103,8 foizga, sut ishlab chiqarish 690 ming tonnani tashkil etib, 102,5 foizga, 525,9 million dona tuxum ishlab chiqarilib, o‘shish sur‘ati o‘tgan yilga nisbatan 106,1 foizga oshgan.

–Keyingi paytda xo‘jalik yurituvchi subyektlarni moliyaviy qo‘llab-quvvatlash, imtiyozlar va imkoniyatlar yangi xo‘jalik yurituvchi subyektlar tashkil etilishi omili bo‘lmoqda. Buning hisobiga mahsulot yetishtirish hajmi ortmog‘da, - deydi viloyat veterinariya va chorvachilikni rivojlan-

Tansiqlikdan to‘kinlikkacha

trish boshqarmasi boshlig‘ining o‘rinbosari Odilxon Baqoyev. - Hozirgi kunda viloyatda 1 ming 266 ta chorvachilik fermer xo‘jaligi mavjud bo‘lib, shundan 874 ta qoramolchilik yo‘nalishida, 155 ta qo‘ychilik yo‘nalishida, 213 ta parrandachilik yo‘nalishida va 20 ta quyonchilik yo‘nalishida faoliyat yuritadi. 2024-yil yakuniga qadar chorvachilikni rivojlantirish bo‘yicha yana 82 ta loyiha ishga tushirilishi rejalashtirilgan. Maqsadimiz - viloyatda ichki iste‘mol bozorlarini chorvachilik mahsulotlari bilan to‘ldirish.

Albatta, aholining iste‘molida go‘shiti, tuxum, sut va ulardan tayyorlangan mahsulotlar bo‘lishi katta o‘rin egallaydi. Hozirda bu kabi mahsulotlarni tansiq iste‘mol tovarlari hisoblanib, istalgan joydan cho‘ntakbop narxga topish mumkin.

–Bundan bir necha yil avval tovuq go‘shiti, baliq, asal, limon kabi oziq-ovqat mahsulotlari tansiq hisoblanar, zarur bo‘lib qolsa, tanish-bilishlar orqali topilardi. Keyingi paytlarda bu mahsulotlar serob bo‘lib, narxi ancha arzonlashdi. Bozorlarimizda, hatto qishloq do‘konlarida ham bu kabi mahsulotlarni topish mumkin. Albatta, bu natijaga uzoqni ko‘zlab qo‘llanilayotgan tadbirlar asosida erishmoqdamiz. Bularning barchasi ortida inson qadri va uning farovonligi tushunchasi muhtarak, - deydi pastdarg‘omlik Otobek Amirov.

Darhaqiqat, bu kabi loyihalarining hayotga tatbiq etilishi, aholining sog‘lom ovqatlanishida, dasturxonni to‘kin bo‘lishida, bir so‘z bilan aytganda, farovonligining oshishida muhim omil bo‘lib xizmat qiladi.

Shuhrat NORMURODOV.

Hovuchi shokoladga to‘lgan o‘qituvchi

Ijtimoiy tarmoqlarda tarqalgan shu mavzudagi videotasvirlarga ilk bor ko‘zim tushganida, o‘sha o‘quvchilarning bu qilig‘i an‘anaga aylanib ketmasaydi, degan o‘y xayolimdanda o‘tgandi. Afsuski, shunday bo‘lyapti. Yaqinda bir kishi katta do‘konning shirinliklar sotiladigan qismida turib, ovozi balandlangan telefoni orqali turmush o‘rtog‘i bilan gaplashayotgani-ga guvoh bo‘ldim.

– Ayasi, plitkali shokolad olaymi yoki...
– Plitkalicidan oling-da! Ustozning qo‘lidin yumalab tushib ketmaydiganidan.

– Xo‘p, xo‘p!
– 2 ta bir xil oling, kichikintoyingizgayam.
– Ha, albatta, unqayam olaman, lekin boshqachasidan, chunki u plitkalicini xush ko‘rmaydi.

– O‘zigamas, ustoziga.
– Nima? U hali boshlang‘ich sinf o‘quvchisi bo‘lsa. Ular-ga umuman yarashmaydi-ey.

– Yarashadimi, yarashmaydimi, ota-onalar guruhida shu muhokama bo‘lyapti.

– Hech kim qarshi chiqmayaptimi?
– Chiqyapti, lekin shu “trend”ni amalga oshirishni ko‘pchilik ma‘qullayapti.

– Ey, “trend”laringniyam...
Telefon ekranidagi qizil tugmani bosib, o‘rtacha narxdagi ikkita shokoladni qo‘liga oldi. Uni kuzatib turgan yana bir erkak kishi ham xuddi shunday shokoladdan 3 dona qo‘liga olib, kulibgina dedi:

– Boyagina bizda ham shu masala muhokama qilindi. Yuqori sinf o‘quvchilarining fahmi yetib-etmay, shunday bema‘ni qillilarni an‘anaga aylantirayotganiga ko‘z yumsa bo‘lar, ammo boshlang‘ich sinf o‘quvchilari uchun ota-onalar tashabbus qilayotgani aqlga sig‘maydi. Men ham ayolimga nima kerak shu “trend”, deganimda, ayrim onalar ustoz bundan ham zo‘rlariga loyiq ekanligini aytishyapti, dedi.

To‘g‘ri, ustoz bundan-da yaxshi sovg‘alarga loyiq. Ammo hovuchiga 30-40 ta shokolad qo‘yish har qanday ustozni xursand qiladi, deb o‘ylamayman. Shuning o‘rniga bittadan kitob sovg‘a qilsa, ustozining sinf yoki shaxsiy kutubxonasi anchagina boyib qolmaydimi?

Bu “trend” qanday ahamiyatga ega? Ba‘zi ustozlar uchun yoqimlidir, ammo aksariyat o‘qituvchilar bunday e‘tiborni xushlamasligi tabiiy, menimcha.

Bir-ikki yil avval ijtimoiy tarmoqlarda tarqalgan, bir ustozning tashabbusi bilan o‘quvchilar ota-onasiga qo‘ng‘iroq qilib, ularni yaxshi ko‘rishini bildirish ma‘nosidagi videorolik qaysidir ma‘noda tarbiyaviy ahamiyatga ega edi. Balki, bu holat ayrimlarni ota-onasiga mehrlil bo‘lishga undagandir, lekin ba‘zi hollarda ba‘zi ota-onalar xursand bo‘lish o‘rniga xavotirga tushib qolganlariga ham guvoh bo‘ldik. Masalan, o‘smir qizidan birinchi bor “Dada, sizni yaxshi ko‘raman”, degan gapni eshitishi mehribon otani qanday ahvolga solishini o‘ylab ko‘ring. Yana bu gapni yig‘i aralash aytib, telefonni o‘chirib qo‘ysa... Xavotirga tushgan ota ming bir xayollar bilan o‘sha raqamga qo‘ng‘iroq qilish uchun qayta-qayta urinsa-yu, barcha urinishlari zoye ketse...

Shuningdek, yana bir “trend” – o‘quvchi qizlar ustoziga gul berishning yangi “usul”ini o‘ylab topgani. Nima emish, avval bir-birlari bilan yolg‘ondan janjallashib, ur-yiqit qilib turgan holatni o‘qituvchiga ko‘z-ko‘z qilarmish. Buni ko‘rgan ustoz albatta, ularni ajratish uchun yuguradi. “Janjalkash” shogirdlarining yoniga yetib borguncha boshida ming bir tashvishi bo‘lgan muallimga bu asabiylashish ortiqchilik qilmaydimi? Agar u tez-tez qon bosimi ko‘tarilib turadigan o‘qituvchi bo‘lsa-chi? O‘quvchilarning o‘ylab topgan bu qilig‘i sabab ustozga biror kor-hol bo‘lib qolsa, keyin sovg‘a qilmoqchi bo‘lgan gullarini boshiga yostiq qiladimi?

Aksariyat yoshlar tunda ko‘zi uyquga ketgunga qadar qo‘lidagi uyali aloqa vositasini titkilaydi. Yana har tong uyg‘onishi bilan telefoniga yopishadi. U orqali ma‘naviyatiga salbiy ta‘sir ko‘rsatadigan videoroliklarni berilib tomosha qiladi, tahdidlarga e‘tibor qilmaydi. Aslida chetdan kirib kelayotgan bu kabi “trend”larning mahalliylashib, an‘anaga aylanib ketayotganiga kim aybdor?



To‘lqin SIDDIQOV.

Bir mavzuda ikki fikr



“Mehrlil video”lar ko‘paysin



Keyingi paytda o‘qituvchilarning o‘quvchi, ota-onalar tomonidan tahqirlanishi, haqoratlarga uchrashi bilan bog‘liq holatlar ijtimoiy tarmoqlarda ko‘p uchramog‘da. Ko‘pchilik bu holatdan nafratlandi. Xayolida, hayotida o‘qituvchiga nisbatan chuqur hurmat tuygan odamlarga salbiy ta‘sir qilgan bo‘lsa-da, reallikda boshqacha bir muhit shakllanib qolayotgani oshkor bo‘lib qoldi. Maktablarda o‘qituvchilarning fikri bilan hisoblashilmay qo‘yilgani, bolasiga ikki baho qo‘ygan o‘qituvchidan ota-onalar norozi bo‘layotgani kuzatilmog‘da.

Ustoz-shogirdlar o‘rtasida bunday jarlik paydo bo‘lishiga faqatgina ota-onalar sabab bo‘lmaydi. Ta‘lim tizimi eng past daromadli faoliyatga aylangani, oliy ta‘lim tizimidagi nohaqliklar tufayli sohaga umumiy qiziqmagan, diplom uchun tahsil olib, ish topa olmay, maktablarga joylashib olgan kadrlar kabi qator muammolarning ham ulushi bor bunda. Shu kabi muammolarning sabab o‘qituvchi bugun bizning tasavvurimiz va bilganimiz - mehridaryo Ustoz maqomi darajasiga ko‘tarilolmay qoldi.

Ustozimning ustoz haqdagi bir gapni hech yodimdan chiqmaydi: “Maktabda o‘qib yurgan paytlarimiz nima bo‘ldi-yu, o‘qituvchilar xonasiga kirishga to‘g‘ri keldi. O‘qituvchilar xonasiga kirishning o‘zi sharafl bo‘lgan yillar bo‘lgani uchunmi, bu daqiqalar oradan yarim asr vaqt o‘tganiga qaramay, xotiramda muhrlanib qolgan. O‘qituvchilar xonasiga kirganimda sinf rahbarimizning non yeb o‘tirganiga guvoh bo‘lgandim.

O‘shanda yosh tasavvurim va xayollarim bilan juda hayratga tushganman. Nega, deysizmi? Biz axir muallimimizning biron nima tanovul qilishini hech qachon ko‘rmaganmiz, buni tasavvur ham qilmaganmiz. O‘qituvchilar bizning oldimizda hech qachon nimadir yemagan, ular bizga tozalik, odob, muomala-munosabat, o‘zini tutish bo‘yicha etalon, ideal bir inson qiyofasida namoyon bo‘lardi. Ular biz uchun mana shunday ulug‘ bir zot edi-da”.

Ustozga hurmat, unga nisbatan e‘zoz albatta, bo‘lishi kerak. Bu faqat o‘qituvchining o‘ziga bog‘liq emas. Butun bir jamiyatda shu kasbga nisbatan mehrlil, muallimga nisbatan ishonch yuksak bo‘lishi kerak.

Ijtimoiy tarmoqlarda muallim qo‘liga shokolad qo‘yib, uni xursand qilayotgan o‘quvchilar videoroliklari ko‘rib, xursand bo‘ldim. O‘qituvchi o‘quvchi tortiq qilayotgan shu shokoladga muhtoj emas, albatta. Ammo bu ham mehrlil, ustoz va shogird o‘rtasidagi munosa-

batning bir ko‘rinishi. Nafaqat o‘sha sinfda, balki uning videosini ko‘rayotgan har qanday tomoshabinida iliq bir tuyg‘u uyg‘onadi.

Ustozga nisbatan bunday “mehrlil videolar” qancha ko‘paysa, shuncha yaxshi. Faqat uni majburiylikka aylantirmasak bo‘lgani. Ustoz va shogirdlar o‘rtasidagi mehrlil esa faqat shu “tadbirlar” bilan chegaralanib qolmaydi, bunga ham ijodiy yondashish, maktab hayotida sodir bo‘layotgan kundalik yuzlab voqealar haqida mana shunday ta‘sirli kontentlar ishlab va tarqatish mumkin. Misol uchun yaqinda Samarqand tumanidagi maktablardan birida farrosh ayolga ham o‘quvchilar tomonidan shunday mehrlil ko‘rsatilgani tasvirlarini ko‘rib, ko‘pchilik ta‘sirlandi, voqea qahramoniga qo‘shilib, ko‘zimiz yoshlandi. Mehrlil ulashish hayotimizning mazmuni, aslida, u farzandlarimizga bolalikdan, maktabdan shakllantirilsa, nur ustiga a‘lo nur.

Gulruh MO‘MINOVA.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O‘zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro‘yxatga olingan. Nashr 100. Indeks 438. 13 155 nusxada chop etildi. Buyurtma 4. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E‘LONLAR: (66) 233-91-56

BO‘LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug‘ Tursunov ko‘chasi, 80-uy, Matbuot uyi.

Gazeta «Zarafshon» tahririyatining kompyuter bo‘limida sahifalandi.

«Noshir lux» MCHJ bosmaxonasida chop etildi. Korxonalar manzili: Samarqand shahri, Spitamen ko‘chasi, 270-uy.

Bosishga topshirish vaqti: soat 18:30 da. Bosishga topshirildi: soat 19:00

Navbatchi muharrir:

G. HASANOV.

Navbatchi:

G. MO‘MINOVA.

Sahifalovchi:

B. ABDULLAYEV.



Saytimizga o‘tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda